


www.BibleForChildren.org


Maatosa 26



Paasika
bonchiya
gallasape usupun
gallas sinthatidi,
Yesuusi hayqope
denthida Alaazari de7iya
gutaa, Bitane bis. Mayraama
nardoose geetetiya daro
al7o geeshsha shitto
ehada Yesuusa tohuwa
tiyasu. Ba binaanana iya tohuwa
quchasu; keetha ubbay shitto
sawon tonku gis.



Tammanne nam7u tamaaretape issoy Asqoroota
Yihuda geeteteysi Yesuusa kahine halaqatas aathidi
immanaw entako bis. Enti hessa
si7ida wode ufaytidi, “Nuuni
new miishe immana”
yaagidosona; Yihudi
Yesuusa aathidi
immanaw inje
wode koyees.



Iya tamaareti Yesuusi bantana
kiitidaysada oothidi, Paasika
Ba7aale gallas maana kathaa
giigisidosona. Enti mishin, Yesuusi
uythaa ekidi Xoossaa galatis. He
uythaa menthidi ba tamaaretas
immidi, “He7ite, miite, haysi ta
ashuwa” yaagis. Xuu7aa ekidi,
Xoossaa galatis.



Entaw immidi, “Ubbay
haysafe uyite. Haysi daro asa
nagara atotethas mela gukiya ta
suuthaa. Ha suuthay Xoossay
hintera geliya caaquwa mintheysa.”




Kaallidika Yesuusi, “Simooni, Simooni, Xalahey hintena gisteda harqanaw woossis. Shin taani ne ammanoy dhayonna mela new gaannatas. Neka simmida wode ne ishata mintha” yaagis. Simooni, “Godaw, taani neera qashetanawunne hayqanaw giigetas” yaagis. Yesuusi Phexroosako, “Ta new odayis; hachi kuttoy waassanaape sinthe ne tana heedzu toho kaddana” yaagis.




Yaatiidi, Yesuusi ba
tamaaretara
Geetasemaane
geetetiya bessaa bidi,
entakko, “Taani hini bada
Xoossaa woossashana,
hinte haysan uttite” yaagis.
Qassi, “Abba, ta Aawaw,
ubbabay new danda7etees,
ha waaye xuu7aa taape
digga. Shin ne sheney
hanope attishin, ta sheney
hanopo” yaagis.



Hessa gisho, Yihudi paanose, xompe, tooranne
gondalle oykida daro wotaadareta, kahine halaqatinne
Farsaaweti kiitida Xoossa Keetha naagiya
wotaadareta kaaletti ekidi, he bessaa
bis. Enta giddofe issoy kahine
halaqaa oosanchuwa shocidi
ushacha haytha qanxidi yeggis.
Shin Yesuusi, “Agga!
Diggofite” yaagis. Uraa
haythaa bochidi pathis.



Hessafe guye, Yesuusa oykidi kahine halaqaa zabbaa efidosona. Phexroosi haahon Yesuusa kaallees. Asati kahine halaqaa zabban tama eethidi wolla uttidashin Phexroosi entara issife uttis.




Kahine halaqaa ayyetape
isoy, Phexroosi haythaa
qanxida addiya dabboy,
Phexroosako, “Taani
nena iyara atakiltiya
gidдон be7abikina?”
yaagidi oychis. Phexroosi
qassika kaddis; ellesidi
kuttoy waassi aggis.
Phexroosi kare keyidi
daro kokoridi yeekis.




He bessan shiiqida shangoti ubbay
dendidi Yesuusa Philaxoosako
efidosona. Philaxoosi Yesuusa,
“Neeni Ayhudeta kawo?” yaagidi
oychis. Yesuusi, “Ee, ne
gidaysa mela” yaagis.
Philaxoosi Yesuusa
billanaw koyidi asaas
zaari odis. Gidoshin, asay,
“Kaqa! Kaqa!” yaagidi

waassidosona.




Hessafe guye, enti Yesuusa
masqaliya bolla kaqana mela
Philaxoosi entaw aathidi immis.
Enti Yesuusa oykidi efidosona.
Hessafe guye, enti Yesuusa
masqaliya bolla kaqana mela
Philaxoosi entaw aathidi immis.
Enti Yesuusa oykidi efidosona.



Enti he bessan masqaliya bolla Yesuusa
kaqidosona. Qassi iyara hara nam7u
asata, issuwa ya baggara hankuwa ha
baggara masqaliya
bolla kaqidosona.



He gallas usupun saatepe bidi uddufun saate gakanaw
away poo7uwa diggida gisho, biitta ubbaa bolla dhuma
gidis. Xoossa Keetha geshey daaketidi nam7an
shaaketis. Yesuusi, qaala dhoqu
oothidi, “Ta aawaw, ta ta
shempiw ne kushen
sheedhayis” yaagidi hayqis.



Sa7i omarsida wode, shiiqida asan
bonchetida Ayhude shangotape
issoy, Yoosefa geetetiya uray,
Xoossa kawotethay
yaanaysa naagishe
de7eyisi, Armaate
katama asi
de7eyisi yis.


Wontethe Sambaatas
giigetiya gallas gidida
gisho, Yoosefi minnidi
Philaxoosako bidi,
Yesuusa aha ekanaw
woossis.



Yoosefi moogo afila shammis;
Yesuusa aha masqaliyape wothidi,
afilan xaaxidi, shuchafe
woocetida duufon iya aha
moogis. Qassi he
duufuwa doonan gita
shuchu gondorsidi
wothis.




Wontethe Sambaata gallas, kahine
halaqatinne Farsaaweti
Philaxoosako yidi,
haysada yaagidosona:
“Godaw, ha wordanchoy
paxa de7ishe, ‘Taani
heedzu gallasape
guye, hayqope
dendana’



yaagidaysi
nuus hassayetis.”



“Hessa gisho, enti bidi duufoy
boshetonna mela shuchaa
bolla maatame wothidi
wotaadaretan
naagisidosona.”




Sambaati aadhin, wogga wode wonta
guura, Magdela Mayraamane
hanko Mayraama Yesuusi
moogetida gongoluwa
be7anaw bidosona.

Qoponna wolqaama
biitta qaaxoy hanis.

Godaa kiitanchoy
salope wodhidi
duufuwa

doonan de7iya
shuchaa gondorsidi iya
bolla uttis. Naageysati
kiitanchuwa be7idi,
yashshan kokoridi,
hayqida asada
hanidosona.



Kiitanchoy maccasatako, “Hinte
masqaliya bolla kaqetida
Yesuusa koyeysa taani
eriya gisho, yayyofite.
I kase odidaysa mela
hayqope dendis;
haysan deenna.
Haa yidi iya
zin7isida bessaa
be7ite.”



Enti yayyishenne daro ufaytishe, duufuwa
matape ellessidi bidi, iya tamaaretas
odanaw woxidosona. Qoponna
Yesuusi entara gaHetidi entako,
“Saroy hintew gido” yaagis.
Enti iyako shiiqidi, iya tohuwa
oykidi iyaw goyinnidosona.





Guyepe tammanne issi iya tamaareti kathi mishin,
Yesuusi entaw bentis. Entaw ammanoy bayna
gishonne hayqope I dendidaysa be7ida asay odin, enti
ammanonna ixida gisho I enta boris. Goday Yesuusi
tamaaretara odetidaape guye, pude salo keyis;
Xoossafe ushacha baggara uttis.



Xoossaa Na7aa ammaniya ubbay
merinaa de7uwa laattanaape attishin,
dhayonna mela Xoossay ha alamiya
daro dosida gisho ba issi
Na7aa immis.



Roome 3:23 Asa ubbay nagara oothidosona; Xoossay entaw immida bonchuwafe haakidi attidosona.

Roome 6:23 Nagara gatey hayqo. Shin Xoossay, nu Godaa Kiristoos Yesuusa baggara immiya imotay merinaa de7o.

Ibraawe 9:27 Asi ubbay issi toho hayqanaw hessafe guye pirdetanaw bessees.

Efesoona 2:8,9 Hinte aadho keehatethan ammanon attideta. Hessika, Xoossaa imotape attishin, hinte ooon bentidaba gidenna. Oonika ceeqetonna mela atotethay bentiday ooon gidenna.



Roome 10:9,10 “Yesuusi Godaa” gada ne doonan markatikonne Xoossay iya hayqope denthidaaysa ne wozanan ammaniko, ne attana. Asi ba wozanan ammanidi xillees; ba doonan markatidi attees.

Yohaanaisa 3:16,17 Xoossaa Na7aa ammaniya ubbay merinaa de7uwa laattanaape attishin, dhayonna mela Xoossay ha alamiya daro dosida gisho ba issi Na7aa immis. Xoossay ba Na7aa ha alamiya kiittiday alamiya pirdanaw gidonashin alamiya iya baggara ashshanaasa.

1 Yohaanaisa 5:11-13 Hiza, markatethay haysa; Xoossay nuus merinaa de7o immis; he de7oyka iya Na7an de7ees yaageysa. Xoossaa Na7ay de7iya oodeska de7oy de7ees. Xoossaa Na7ay bayna oodeska de7oy baawa. Xoossaa Na7an ammaniya hintew merinaa de7oy de7eysa hinte erana mela haysa hintew xaafas.



Maatosa 26-28; Luqaasa 22-24; Yohaania 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Gofa Bible (gof) The Word for the World International and
The Word for the World Ethiopia

<https://www.bible.com/en-GB/bible/2344/GEN.1.GFBLVF>

©2026 Bible for Children, Inc.

www.M1914.org

www.bibleforchildren.org

